



ESTATUTOS

CAPÍTULO I. NORMAS XERAIS

Artigo 1.- O Club Atletismo Sada unha asociación privada con personalidade xurídica e capacidade de obrar, integrada por persoas físicas ou xurídicas, con personalidade xurídica propia e capacidade de obrar, con domicilio na Comunidade Autónoma de Galicia, que ten como obxecto primordial o fomento e o impulso da práctica continuada dunha ou varias modalidades deportivas, así como a participación en actividades e competicións deportivas calquera que sexa o seu nivel e destinatario.

Artigo 2.- O Club Atletismo Sada practicará como principal modalidade deportiva a de atletismo, e solicitará a ratificación dos Estatutos e a inscrición no Rexistro de Entidades Deportivas de Galicia, de conformidade coa Lei do Deporte de Galicia.

O Club Atletismo Sada practicará así mesmo as modalidades de Triatlón, Montaña e deporte adaptado, e para tal fin funcionarán as seccións deportivas correspondentes, sen prexuízo de que a Asamble Xeral poida acordar a creación doutras.

Artigo 3.- O domicilio social fíxase en Avenida do Porto, Peirao Deportivo, local A-3, C.P. 15160 concello de Sada, provincia da Coruña teléfono 619 038 998, correo electrónico clubatletismosada@gmail.com.

O Presidente cando as circunstancias o aconsellen, poderá acordar o cambio de domicilio social dentro da mesma localidade. Para o traslado do domicilio a outra localidade, que deberá ser sempre dentro do territorio da Comunidade Autónoma de Galicia, será necesario o acordo maioritario da Asamble Xeral Extraordinaria.

En ambos os casos, o traslado de domicilio social non implicará modificación estatutaria, e terá de ser notificado aos socios e ao Rexistro de Asociacións Deportivas de Galicia.

CAPÍTULO II. CLASES DE SOCIOS. ADMISIÓN. DEREITOS E OBRIGAS

Artigo 4.- o número de socios será ilimitado. A Asamble Xeral poderá suspender, non obstante, a admisión de novos socios cando así o esixan razóns de aforo ou capacidade física das instalacións. Os socios poderán ser das seguintes clases: de número, honorarios, aspirantes e familiares.

Artigo 5.- Son socios de número todas as persoas maiores de idade que satisfagan a cota social establecida pola asamblea.



Os menores de 18 anos clasificaranse como socios aspirantes, tendo dereito ao uso das instalacións sociais mediante a cota que se fixe e pasarán automaticamente a ser socios de número ao cumpriren a maioría de idade.

Serán socios honorarios aquelas persoas ás que a Asamblea Xeral confira esta distinción e terán un posto de preferencia nos actos oficiais da sociedade.

Son socios familiares todas aquelas persoas que dependan economicamente dun socio de número e convivan con el no mesmo domicilio.

Artigo 6.-

1.- Os socios de número terán os seguintes dereitos:

- a) Contribuir ao cumprimento dos fins específicos da asociación
- b) Esixir que a Asociación se axuste ao disposto na normativa autonómica deportiva e ao establecido no presente Estatuto.
- c) Separarse libremente da Asociación.
- d) Coñecer as actividades da Asociación e examinar a súa documentación, previa petición razoada ao/á Presidente/a
- e) Expor libremente as súas opinións no seo da Asociación.
- f) Ser elector e elixible para os órganos de representación e goberno da Asociación, sempre que teña plena capacidade de obrar.

2.- Son obrigas dos socios de número:

- a) Aboar as cotas que esixa a Asamblea Xeral
- b) Contribuir ao sostemento e difusión do deporte ou modalidades deportivas.
- c) Acatar cantas disposicións dicte a Asamblea Xeral, a Xunta Directiva ou o/a Presidente/a, para o bo goberno da sociedade.

3.- Os socios aspirantes terán dereito a aproveitarse dos servizos e instalacións sociais da Asociación.

4.- Os familiares dos socios de número terán dereito a aproveitarse daqueles servizos e instalacións que se determinen, previo pago da cota fixada.

Artigo 7.- Para ser admitido como socio, en calquera das súas modalidades, será necesario:

- Ter a idade sinalada para cada unha delas
- Solicitude por escrito dirixida ao/á Presidente/a
- Satisfacer a cota de ingreso correspondente

Artigo 8.- A condición de socio pérdese:

- Por vontade propia



- Por falta de pago das cotas das actividades durante tres meses consecutivos ou non ter pagada a cota social despois de tres meses de pasada a facturación da mesma, previo requerimento de pago.
- Por acordo, no seu caso, do/a Presidente/a, fundado en faltas de carácter grave, previa audiencia do interesado, que haberá de ser ratificado na primeira assemblea xeral que se celebre.
- Por calquera outra causa establecida na lexislación vixente

CAPITULO III. ÓRGANOS DE REPRESENTACIÓN E GOBERNO

Artigo 9.- Son órganos de representación e goberno do Club a Asamblea Xeral e o/a Presidente/a.

Artigo 10.- O/A Presidente/a é o órgano executivo do Club, posúe a representación legal, convoca e preside os órganos de representación e goberno, executando os acordos destes.

O cargo de Presidente/a é a título gratuito e carente de interese nos resultados económicos da explotación, por si mesmo ou a través de persoa interposta.

Será elixido mediante sufraxio libre, directo, igual e secreto por e entre os membros da assemblea Xeral, cada 4 anos.

Para ser elixido Presidente débese contar cunha antigüedade mínima de dous anos como socio do Club.

Artigo 11.- O/A Presidente/a cesará por:

- a) Transcorrer o prazo polo que foi elixido/a
- b) Demisión
- c) Falecemento ou incapacidade física ou psíquica para continuar no exercicio do seu cargo
- d) Aprobación dunha moción de censura pola Asamblea Xeral
- e) Inhabilitación por sentenza xudicial firme ou sanción deportiva.

Artigo 12.- Como órgano complementario dos de goberno e representación haberá unha Xunta Directiva que actuará como órgano colexiado de xestión do Club, e exercerá as funcións que este estatuto lle confire.

Os membros da Xunta Directiva serán designados e revocados libremente polo presidente, debendo dar conta diso na primeira Asamblea Xeral que se celebre. Da mesma formarán parte un secretario e un tesoureiro. Todos os cargos serán gratuitos e carecen de interese nos resultados económicos do Club por si mesmos ou persoa interposta.



Artigo 13.-

1.- A Xunta Directiva quedará validamente constituída en primeira convocatoria cando concorran a ella a maioría dos seus membros. En segunda convocatoria será suficiente a concorrencia, polo menos, de tres dos seus membros, e, en todo caso, do/a Presidente.

2.- A Xunta Directiva convocarase polo/a Presidente/a con dous días de antelación como mínimo á data de celebración.

A Xunta Directiva quedará tamén validamente constituída cando estean presentes todos os seus membros, aínda que non tivese mediado convocatoria previa.

3.- En especial corresponde á Xunta Directiva:

- a) Dirixir a xestión do Club, velando polo cumprimento do seu obxecto social.
- b) Formular o inventario, memoria e presuposto anual, que se someterá a arprobación da Asamblea Xeral.
- c) Aplicar todas as medidas deportivas, económicas e administrativas precisas para o fomento e desenvolvemento do deporte dentro do Club

Artigo 14.- O/A Secretario da Xunta Directiva coidará do arquivo e da documentación, redactará cantos documentos afecten á marcha administrativa da Asociación e levará o Libro de rexistro de socios e o Libro de Actas.

Artigo 15.- O/A Tesoureiro/a da Xunta Directiva será o depositario da Asociación, asinará os recibos, autorizará os pagos e levará os Libros de Contabilidade.

Será obriga do tesoureiro formalizar, durante o primeiro mes de cada ano, un balance de situación e as contas de ingresos e gastos, que se poñerán en coñecemento de todos os asociados.

Artigo 16.- A Asamblea Xeral é o órgano supremo do goberno do Club e estará integrada por todos os seus socios de número.

As Assembleas Xerais, tanto Ordinarias como Extraordinarias, quedarán validamente constituídas en primeira convocatoria cando concorran a ella, presentes ou representados, a maioría dos seus asociados. En segunda e última convocatoria, media hora máis tarde, quedará constituída calquera que sexa o número de membros presentes. Entre a data de convocatoria e o día sinalado para a súa celebración terán de mediar, como mínimo, dez días naturais e non poderá transcorrer máis de 20.

Artigo 17.- A Asamblea Xeral convocarase polo/a Presidente/a a iniciativa propia ou de vintecinco por cento, polo menos, dos socios de número.

A Asamblea Xeral reunirase con carácter ordinario, previa convocatoria do/a Presidente/a, polo menos unha vez ao ano para tratar das seguintes cuestións:



- a) Memoria, liquidación do presuposto, balance do exercicio, rendición de contas e aprobación, se procede.
- b) Presuposto para o seguinte exercicio
- c) Proxecto e propostas do/a Presidente/a ou da Xunta Directiva
- d) Proposicións que formulen os socios e que terán de ir asinadas polo menos polo cinco por cento dos mesmos.

Terá que celebrarse Asamblea Xeral extraordinaria para a modificación de Estatutos, elección do/a Presidente/a, toma de cartos a préstamo, emisión de títulos representativos da débeda ou de parte alicuota patrimonial, alleamento de bens inmoables e fixación de cotas dos socios, e calquera outro acordo previsto nestes estatutos ou que se estime oportuno polo/a Presidente/a ou proceda legalmente.

Artigo 18.- Os acordos da Asamblea Xeral e da Xunta Directiva adoptaranse por maioría simple dos presentes, serán vinculantes e de obrigado cumprimento e terán forza executiva a partir da data da súa adopción, sen prexuízo, por razón da materia, da posibilidade da súa impugnación perante os órganos competentes e da Federación Galega Deportiva da modalidade ou perante o Comité Galego de Xustiza Deportiva.

CAPÍTULO IV. RÉXIME DOCUMENTAL

Artigo 19.- O réxime documental do Club constará dos seguintes libros: Rexistro de Socios, de Actas e Contables.

Artigo 20.- No libro de Rexistro de Socios terán que constar os nomes e apelidos dos socios de número, o seu Documento Nacional de Identidade e, no seu caso, os cargos de representación, goberno e administración que exerzan no Club. Tamén se han especificar as datas de alta e baixas, e as de toma de posesións e cese nos cargos aludidos.

Artigo 21.- No libro de Actas consignaranse as reunións que celebre a Asamblea Xeral e a Xunta Directiva, con expresión de data, asistentes, asuntos tratados e acordos adoptados. As Actas terán que estar asinadas, en todo caso, polo/a Presidente/a e o/a Secretario/a

Artigo 22.- Nos libros de Contabilidade figurarán tanto o patrimonio como os dereitos e obrigacións, e ingresos e gastos do Club, debéndose precisar a procedencia daqueles e a inversión ou destino destes.

CAPÍTULO V. RÉXIME DISCIPLINARIO

Artigo 23.- Os órganos e socios do Club estarán sometidos ao regulamento disciplinario do Club e ao disposto no Título VII da Lei 3/2012, do Deporte de Galicia e a súa normativa de desenvolvemento.



Artigo 24.- Así mesmo, o/a Presidente/a e os membros da Xunta Directiva responderán fronte aos socios, o Club ou terceiros dos prexuízos que ocasinaren por culpa ou negligencia grave, de conformidade coa regulamentación propia do Club e o Ordenamento Xurídico vixente.

CAPÍTULO VI. RÉXIME ECONÓMICO-FINANCIERO E PATRIMONIAL.

Artigo 25.- No momento de creación do club deportivo o patrimonio fundacional é: ; e non dispón de instalacións nen locais propios.

No futuro o patrimonio do Club estará integrado por:

- a) As aportacións económicas dos socios que aprobe a Asamblea Xeral.
- b) As doazóns e subvencións que reciba
- c) Os resultados económicos que poden producir as manifestacións físico-deportivas que organice a entidade.
- d) As rendas, froitos e intereses do seu patrimonio.

Queda expresamente excluído como fin do Club o ánimo de lucro e a totalidade de seus ingresos e beneficios aplicaranse ao cumprimento dos seus fins sociais.

Artigo 26.- O Club poderá gravar e allear bens, mobles e inmoables, tomar diñeiro a préstamo e emitir títulos transmisibles representativos de débeda ou parte alícuota patrimonial, sempre que cumpran os seguintes requisitos:

1. Que se autoricen tales operacións por maioría de dous tercios dos socios presentes ou representados na Asamblea Xeral Extraordinaria.
2. Que ditos actos non comprometan de modo irreversible o patrimonio da Entidade ou a actividade físico-deportiva que constitúa o seu obxecto social. Para a adecuada xustificación deste extremo poderase esixir, sempre que o soliciten como mínimo o cinco por cento dos socios de número, o oportuno dictame económico-actuarial.
3. Cando se trate de gravar ou allear bens, mobles e inmoables, que foran financiados, en todo ou parte, con Fondos Públicos da Comunidade Autónoma, será preceptiva a autorización previa do órgano competente da Xunta da Galicia.

Artigo 27.- O Club poderá emitir títulos de débeda ou de parte alícuota patrimonial, que serán nominativos.

Os títulos inscribíranse nun libro que levará ó efecto o Club, no que se anotarán as sucesivas transferencias.

En todos os títulos constará o valor nominal, a data de emisión, e , no seu caso, o interese e prazo de amortización.



Artigo 28.- Os títulos de débeda so se poderán subscribir polos asociados, e a súa posesión non conferirá dereito algún especial aos socios, agás a percepción dos intereses establecidos conforme a lexislación vixente.

Artigo 29.- Os títulos de parte alícuota patrimonial han ser, asemade, subscritos polos asociados. En ningún caso este títulos darán dereito á percepción de dividendos ou benevidicos.

Artigo 30.- Os títulos de débeda e parte alícuota patrimonial serán transferidos unicamente entre os que teñas a condición de socios.

CAPÍTULO VII. REFORMA DOS ESTATUTOS E DISOLUCIÓN DO CLUB

Artigo 31.- Os presentes Estatutos só se poderán modificar, reformar ou derogar, por acrodo da Asamblea Xeral Extraordinaria convocada a tal efecto, mediante votación favorable de dous tercios dos socios de número asistentes.

A reforma destes estatutos seguirá, con respecto ao Rexistro de Asociacións Deportivas de Galicia, os mesmos trámites administrativos que para a súa inscrición.

Artigo 32.- O club extinguirase ou disolverase por:

- a) Acordo de dous tercios dos socios en Asamblea Xeral Extraordinaria, convocada ao efecto.
- b) Sentencia xudicial
- c) Outras causas legalmente determinadas. En todo caso, haberá de ser notificado ao Rexistro de Asociacións Deportivas de Galicia.

Artigo 33.- Disolto o Club, a remanente do seu patrimonio social, se houbese, aplicárase a fins análogos de carácter deportivo, ben por acordo previo da Asamblea Xeral ou subsidiariamente polo órgano competente en materia de deporte da Xunta de Galicia.

32.808.461-L

SECRETARÍA

33276896J

PRESIDENTE

